

Málefna yfirlýsing 2022 – 2026

Vöxtur og vellíðan í Borgarbyggð

Atvinnulífið

Stefnt verði á að veita 75% afslátt af gatnagerðargjöldum atvinnulóða tímabundið með það að markmiði að stórefla uppbyggingu á atvinnustarfsemi.

Stefnt verði að því á kjörtímabilinu að skipuleggja græna iðngarða á Hvanneyri. Gríðarleg verðmæti eru fólgin í uppsetningu á grænum iðngörðum á tímum hinnar grænu byltingar í þágu loftslags og umhverfismála. Mikilvægt er að Borgarbyggð sé í fararbroddi þegar að kemur að grænni atvinnuuppbyggingu.

Leitað verði leiða til að setja á fót samvinnuhús í samstarfi við áhugasama aðila þar sem fyrirtæki og einstaklingar geta haft aðstöðu til að stunda vinnu sína.

Mikilvægt er að eiga góð og regluleg samskipti við fyrirtæki og þjónustustofnanir í sveitarfélaginu. Stefnt verði að því eins og kostur er að sveitarfélagið beini viðskiptum sínum til fyrirtækja í heimabyggð.

Skipulags- og húsnæðismál

Stefnt verði að markvissum undirbúningi og skipulagi á kjörtímabilinu að nýju hverfi við Borgarvog með þjónustukjarna, leik og grunnskóla ásamt íþróttamannvirkjum í kjölfar hönnunarsamkeppni.

Stefnt verði markvisst að því að flýta uppbyggingu, skipulagi og umhverfisátaki í Brákarey. Litið verði til þess að í eyjunni geti t.a.m. verið blönduð byggð með menningartengdri starfsemi, léttum iðnaði, útivist, fristundastarfsemi, ferðaþjónustu og íbúðum.

Stefnt verði að því að ljúka skipulagi á lóðum fyrir 300 íbúðaeiningar á næstu þremur árum á þeim þéttbýlisstöðum þar sem Borgarbyggð á land til bygginga. Nægilegt fjármagn verður tryggt til þess að skipulagsvinna, framtíðarskipulag og gatnagerð lendi ekki á bið og tefji nauðsynlega uppbyggingu.

Í tengslum við uppfærslu á húsnæðisáætlun sveitarfélagsins er stefnt að stórátaki í uppbyggingu á leiguhúsnæði í öllu sveitarfélaginu í samstarfi við fasteignafélög og opinbera aðila.

Lýðheilsa og tómstundir

Markvisst verði unnið að því að skapa tækifæri fyrir alla íbúa til heilsueflingar í gegnum verkefnið Heilsueflandi samfélag með sérstaka áherslu á forvarnir, vellíðan og geðheilbrigði.

Stefnt verður að því að nýtt íþróttahús verði risið fyrir árslok 2025 í Borgarnesi og að framkvæmdum verði lokið 2027.

Áhersla verður lögð á að viðhaldi íþróttamannvirkja og viðhald á búnaði verði sinnt markvisst og því forgangsraðað í samvinnu við UMSB.

Stefnt verður að því á kjörtímabilinu að fara í samstarf við Golfklúbb Borgarnes með það að markmiði að byggja upp aðstöðu sem getur þjónað sem lýðheilsumiðstöð með fjölbreyttri aðstöðu fyrir íbúa sveitarfélagsins allt árið.

Stefnt verður að því að fara í átak til að bregðast við brottfalli barna úr íþrótt- og tómstundastarfi í samstarfi við UMSB. Samhliða því verður farið í stefnumótun um markmið tengd lýðheilsu íbúa og öflugri starfsemi félaga sem heyra undir UMSB.

Sjálfbóðaliðum sem starfa í þágu íþrótt- og æskulýðsmála verði sýnt með afgerandi hætti þakklæti fyrir sín störf.

Stefnt verði að því á kjörtímabilinu að leggja göngu og hjólastíg frá Borgarnesi að útivistarsvæðum golfvallarins og Einkunnum ásamt því að lýsa leiðina upp í Einkunnir.

Stefnt verður að því á kjörtímabilinu að efla starfsemi félagsmiðstöðva fyrir unglinga með frekari opnun ásamt því að endurvekja starfsemi Mímis ungmennahús til að tryggja félagsaðstöðu fyrir aldurshóp ungmenna 16-25 ára.

Umhverfismál- og landbúnaðarmál

Unnið verður markvisst að því að nýsamþykktri Loftslagsstefnu Borgarbyggðar verði framfylgt eins vel og kostur er. Stefnan tekur til allra stofnana í rekstri sveitarfélagsins með áherslu á landnotkun, samgöngur, úrgangsmál, orkunotkun og vitundarvakningu.

Stefnt verði að því á kjörtímabilinu að koma upp gámastöð fyrir íbúa vestursvæði sveitarfélagsins fyrir grófan úrgang.

Markvisst verði unnið að fegrun umhverfis með lagfæringu á gangstéttum og umhirðu á grænum svæðum.

Stefnt verði að því að auka nýtingu og tækifæri til viðburða í Skallagrímssgarði. Markaðs kofar, viðburðir á vegum sveitarfélagsins og almenn aðstaða til notkunar á garðinum allt árið verði bætt á kjörtímabilinu.

Stefnt verði að því á kjörtímabilinu að leiksvæði fyrir börn og unglinga í sveitarfélaginu verði aðlaðandi og þeim fjölgað í öllum þéttbýliskjörnum.

Unnið verði markvisst að úrbótum á aðstöðu fyrir frístund eftir skóla og bið aðstöðu fyrir börn tengt tómstundum.

Stefnt verði að tómsundaakstri fyrir öll börn í sveitarfélaginu, bæði í dreifbýli og innanbæjar í Borgarnesi. Þá leggjum við áherslu á að vinna að samþættu leiðarkerfi í Borgarbyggð þar sem nemendur grunn- og menntaskóla geti nýtt sér þjónustuna.

Velferðarmál

Markvisst verði unnið með tillögur velferðarstefnu Vesturlands í samstarfi við Heilbrigðisstofnun Vesturlands, Brákarhlíð og aðra haghafa um Miðstöð öldrunarþjónustu í Borgarbyggð.

Markvisst verði unnið að því að notendaráð fyrir fatlað fólk verði virkt og aðkoma þjónustuþega tryggð.

Markvisst verði unnið að því að öryrkjar, fatlað fólk og eldri borgarar finni frelsi og sveigjanleika í þjónustu. Leitað verður leiða til að miða þjónustu við þarfir hvers og eins. Áhersla verður lögð á hvetjandi umhverfi til virkrar þátttöku og sjálfstæðis.

Stefnt verði að því í samstarfi við UMBSB að Íþróttafélag fatlaðs fólks *Kveldúlfur* verði endurvakið.

Stefnt verði á átak í aðgengismálum á kjörtímabilinu í samstarfi sveitarfélagsins og fyrirtækja á svæðinu.

Markaðs - upplýsinga og menningarmál.

Áfram verði unnið eftir nýlegri markaðsstefnumótun sveitarfélagsins.

Stefnt verði að því að fara í stórsókn í að kynna tækifæri tengd atvinnulóðum í sveitarfélaginu.

Markvisst verði unnið að því að í sveitarfélaginu blómstri öflugt menningarlíf í samstarfi við einstaklinga og félög.

Stefnt verði að því að velja og heiðra listamann Borgarbyggðar á ári hverju.

Áfram verði stefnt að öflugri starfsemi safna sveitarfélagsins. Unnið verður markvisst að því að miðlun og starfsemi safna er heyra undir sveitarfélagið taki mið af þörfum samtímans og ólíkra hópa.

Stefnt verði að því á kjörtímabilinu að efla íbúalýðræði með samtali og meiri samskiptum við íbúa með þátttöku þeirra í hugmyndavinnu og ákvarðanatöku. Samskipti við íbúa verði eflað með virkri upplýsingaöflun og að ungmennaráð, öldungaráð og nýbúaráð hafi virkt samtal inn í nefndir.

Fræðslumál

Markvisst verði unnið áfram samkvæmt faglegri skólastefnu Borgarbyggðar. Velliðan og velferð barna verði ávallt í öndvegi. Áfram verði unnið að því að koma til móts við þarfir allra barna með góðri sérfræðiþjónustu og fjölbreyttum áherslum í samstarfi við skólastjórnendur.

Stefnt verður að því á kjörtímabilinu að gera áætlun um framtíðaruppbyggingu og eða endurbætur á leik- og grunnskólahúsnæði í sveitarfélaginu. Hugað verði að því í áformum um framtíðarskipulag að aðstaða nemenda til íþróttakennslu, frístundar og skólalóða sé sambærileg í grunnskólum.

Stefnt verði á aðgerðir til að koma í veg fyrir biðlista eftir leikskólaplássum. Stefnt verði að undirbúningi að stækkun Uglukletts á kjörtímabilinu til að mæta þörf fyrir aukin fjölda barna og greiningu á möguleikum við opnun leikskóladeildar á Varmalandi.

Stjórnsýsla, mannauður og fjármál.

Markvisst verði unnið að því að skapa öllu starfsfólki borgarbyggðar góð vinnuskilyrði og traust lagt á þann mannauð sem sveitarfélagið býr yfir.

Áhersla verði lögð á ábyrgja stjórnun í fjármálum og eftirfylgni með fjárheimildum.

Stefnt verðui á að forgangsráætlun um fjárveitingar til slökkviliðs standi undir endurnýjun á búnaði, tryggi öryggi slökkviliðsins og þeirra sem þurfa á þjónustu liðsins að halda

- Stefnt verði að því að styðja með árlegum framlögum við björgunarsveitir sveitarfélagsins sem verða sífellt mikilvægari.
- Stefnt verði að því að þjónustugjöld hækki ekki umfram vísitöluhækkunarir.

Samskipti við ríkisvaldið.

Markvisst verði unnið að því að þrýsta á ríkisvaldið í tengslum við uppbyggingu samgangna, fjarskipta og þrífösun rafmagns.

Markvisst verði unnið að því að efla þjónustu og starfsaðstæður Heilsugæslunnar í samtali við ríkisvaldið og hlutaðeigandi stjórnendur.

Markvisst verði unnið að því að standa vörð um opinber störf í sveitarfélaginu og stuðla að aukinni fjölbreytni þeirra.

Landbúnaður og ferðaþjónusta spila stórt hlutverk í byggðum Borgarbyggðar.
Áhersla verður lögð á að gæta hagsmuna og rekstrarskilyrða þessara atvinnugreina.